



## Universitätsbibliothek Paderborn

**R. P. Sebastiani Henrici Penzingeri, Consistorialis  
Passaviensis, Decani, & Parochi in Trauttmansdorff ad  
Laitam Bonus Ordo Triplicis Formatæ Concionis Moralis In  
Omnia Festa Sanctorum In Amplissima ...**

**Penzinger, Sebastian Heinrich**

**Solisbaci, 1698**

Concio Secunda. Textus: Procidentes adoraverunt. Thema: Pietas, ad Dei  
benedictiones manudicit.

[urn:nbn:de:hbz:466:1-51763](#)

## IN FESTO TRIUM REGUM.

## CONCIO SECUNDA.

*Textus.**Procidentes adoraverunt. Matth. cap. 2.**Thema.**Devotio, Pietas, ad specialem DEI gratiam,  
& benedictionem conductum.**Exordium.**Textus S.  
Scriptura.*

**P**ietatem, devotionem erga Deum, & cultum diuinorum rerum S. Augustinus adeo extollit, ut serm. 18 ad populum Antiochenum, Pietatem Imperiorum, & Regnorum fulcrum, civitatum ornamentum, horum ac civium dignitatem, & summum honorum gradum intituleret, tandem Epist. 52. Pietatem, omnia recte vivendi officia compellat. Eusebius de præparati: Evangel. lib. 8. scribit Omnes virtutes esse velut partes pietatis. S. Chryostomus citatur à Cornelio à Lapide, Commentario in 1. Epist. S. Pauli ad Timoth. cap. 4. de Pietate inquit: *Pietas rectissima vita norma est, & conversationis optime disciplina.* Nicephorus lib. 13. cap. 1. historiæ de Imperatore Theodosio memorat, eum dixisse: *Omnem Christiani hominis felicitatem in Pietate consistere.* Unde meriens filio hæredi unicè pietatem recommendabat. S. Scripturam desuper audiamus: *Quorum pietates non defuerunt, cum semini eorum permanent bona, hereditas sancta nepotes eorum: Ecclesiastes 44.* Pietas per omnia utilis est, promissionem habet vitæ, quæ nunc est, & æternæ. Paulus 1. ad Timoth. c. 4. & iterum Ep. 1. cap. 6. *Est autem questus magnus pietas, cum sufficientia. Questus, id est, magnum lucrum est pietas, affert enim secum quid homini satis est,* inquit Maldonatus in notis manuscriptis Novi

*Novit Deus pios de tentatione eripere. Concionatur S. Petrus ep. 2.  
cap. 2. Per pulchrè perorant S. Patres. Semina aeternitatis sunt, gustus Patres:  
operum Christi, inquit Laurentius Justinianus lib. deobedientia cap. S. Lauren-  
tius Justinianus.  
26. Uperes fructus habet acceleratio devotionis, scribit S. Ambrosius:  
lib. in Cain. cap. 5. Impossibile est ei, qui, quæ Dei sunt, quarit, non  
estiam quæ humana sunt, assequi. promittente Deo Matth. cap. 6. s. Ambro-  
Querite primum Regnum Dei, & hæc omnia adjicientur vobis. S. Chryso-  
S. Chrysostomus.  
hil illi deerit, si Deo, ipse non desit. eleganter S. Cyprianus tracta- S. Augustinu-  
tu de oratione divina. Mens prædestinata, divina & sacra cupi- ma.  
de anhelat. Concludit S. Augustinus in Psalm. 118. Dei ope invo- S. Cyprian.  
catâ desuper Conceptus dabo.*

## CONCEPTUS I.

S. Lucas cap. 5. narrat, quondam turbam irruisse in JESUM, quivis præ affectu, & pietate, JESU volebat proximus assistere, adhucere: Factum est ut turbæ irruerent in eum. Quid ait bonus JESUS? fors increpat, reprehendit insolentiam? minime, sed ascendens in unam navim, sedens docebat de navicula turbas. Cur quæso in naviculam ascendit? & ex ea gratijs, ac placidè turbam affatur? poterat utique in terra consistens, & in medio turbæ stans ut sic omnis homo commodius eum audiret, turbæ prædicare, & concionari; cur ergo in navim condescendit? ex ea turbam suavissimo verbo consolatur? Advertite: fletisset JESUS in terra, in medio turbæ, necessarij aliquibus dorsum, alijs verò tantum suam faciem vertisset. Dorsum alicui vertere, disgratijs, contemptum, vilipensionem, ac abjectionem signat; econtra faciem monstrare alicui, significat favorem, gratiam, &c. Navim ergo JESUS condescendit, & ex ea piæ, devotæ cultui divino addictæ plebi, & turbæ universæ, nulli dorsum, sed omnibus faciem suam, id est, gratiam, favorem, amorem, affectum exhibet, ac demonstrat, in signum, & documentum: Piis, devotis semper etiam Christus faciem suam demonstrat, eos benignè aspicit, piis, devotis favet, gratia sua eos donat, ac dicit.

R 3

CON-

## CONCEPTUS II.

Utrique singularis Dei favor est, hominem longā vitā & senectū  
venerabili, beare, *longitudine dierum adimplebo eum.* Ps. 40. Quis  
autem diutius unquam vixit, quām pii, devoti, cultui Divini addi-  
cti. In veteri testamento, exemplis Biblia plena sunt; in nova lega  
de Sanctis Zacharia & Elisabeth signanter notat S. Lucas cap. 1. *Pro-  
cesserunt ambo in diebus suis,* causalē addit pietatem; *Erant au-  
tem justi ambo ante Deum, incidentes in justificationibus Domini fin-  
querela.* An non senex fuit S. Simeon? senex Anna filia Phanuelis,  
de qua Scriptura: *Processerat in diebus multis.* Lucæ cap. 2. senectu-  
tem tantam adscribit Spiritus Sanctus Pietati & devotioni, de Se-  
meone inquiens: *Homo ille justus & timoratus;* id est, pius ac devo-  
tus. De Anna vero: *Non discedebat de templo, serviens die ac nocte.*  
Verissimè ergo S. Paulus scripsit 1. ad Timot. cap. 4. *Pietas ad om-  
nia utilis, promissionem habens vite, qua nunc est, & eternæ. Magna*  
favor, & gratia Dei, sunt bona proles, ac sancti filii, tales vero po-  
rumque genuerunt pii, devoti, ac Divino cultui addicti Parentes  
Isaac optimum heredem, pius Abraham & Sara genuere; in summa  
senectute, optimum Samuelem, pia ac devota precatrix Anna ge-  
nuit. Joannem Baptistam omni titulo sanctum, & insignem filium  
pii, devoti Parentes Zacharias & Elisabeth genuerunt. Tandem  
sanctissimam filiam Virginem Mariam piissimi Dei cultores Joachim  
& Anna divinitus obtinuerunt: etiam verissimum est dictum Eccle-  
siae cap. 44. *Quorum pietates non defuerunt, cum semine eorum per-  
manent bona.* Piis, devotis favet Deus, faciem eis monstrat gratia  
rum. Patet ulterius ex prophetia Ezechielis cap. 1.

## CONCEPTUS III.

Vidit Ezechiel animalia rotas trahentia, ac sic describit: *Tunc*  
*corpus oculis plenum, in circuitu ipsarum quatuor, cumque ambula-  
rent animalia, ambulabant pariter & rota, juxta ea, & cum ele-  
varentur animalia de terra, elevabantur similiter & rota; quoquo-  
que ibat spiritus illuc & rota pariter elevabantur sequentes eum.*

*Spiritus enim vita erat in rotis, cum euntibus ibant, & cumstantibus stabant. S. Gregorius Papa in hunc locum, per rotas, & currum, Deum intelligit, per animalia currum trahentia intelligit homines pios, devotos, Deo addictos: Deus sequitur hominem pium, conjunctus ubique devoto adest, eum aspicit, intuetur, sua gratia sovet, eique in omnibus providet, Davide canente: Ecce oculi Domini super metuentes eum, Græca versio legit, super pios; ut eruat a morte animas eorum, & alat eos. Videamus probam, & praxin.*

## CONCEPTUS IV.

Ad Abraham inquit Deus Genesis cap. 22. *Per memetipsum juravi. &c. benedicam tibi*, notate; Deus jurat Abrahæ benedictionem, ut S. Chrysostomus hom. 25. afferit, ex debito se Abrahæ obligat. De Job inquit sacer textus cap. 42. *Addidit Dominus omnia, quæcunque fuerant Job, duplicita*: Quid operis adeò meritorii, adeò grati, ac accepti, ambo perficiunt, ut se Deus Abrahæ cum juramento, & ex debito obliget, Jobum non simpliciter, sed in duplo remuneret, & benedicat? Actum Deo adeò gratum intelligo fuisse pietatem, & zelosum Numinis cultum, de Abraham narrat Scriptura citato capite: *Cum alligasset Isac filium suum, posuit eum in altari super struem lignorum, extenditque manum suam*. De super Deus: *Quia fecisti hanc rem, & non pepercisti filio tuo unigenitiro proper me*; per memetipsum juravi, benedicam tibi. De Jobo affirmat pariter Scriptura; cap. 1. *Consurgensq, diluculo offerebat holocausta, sic faciebat Job cunctis diebus*. Pius, devotis specialiter favet Deus, eos respicit, eos benedicit, Dominos constituit, Reges coronat; ut non immeritò Pietati, Doctissimi quique subscripterint dictum Prov. 8. *Per me Reges regnant, Principes imperant, ac Potentes decernant*. Docet hoc Augustissima Domus Austriaca, cuius radix est Pietas cum symbolo: *Exinde in altum: Coronatum, & Imperiorum*: cui Augustissimæ Domui, Pietas usque modo Anchora est: cum symbolo: *Firmat, & tuetur contra impetus hostilium procellarum*. Numeremus elapsa saecula; nominetur Pius, qui non & felix, fortunatusque fuerit. Tres adducam ex mille te-

testibus, omni exceptione maiores: Carolus Magnus, Pius ac de votus Deo Princeps, de quo Crantzius lib. 1. Metrop. cap. 18. *Carolus Magnus incredibili studio divinum in Ecclesia procurauit officium, ejus hortatu per omnes penè provincias depositum est Ambrosianum officium, & Gregorianum susceptum. Patrum sermones, Sanctorum vitas, jussit ex fide transcribi. Ecclesiam manevferi, nisi magna cause intercederent, item nocturnis horis, o sacrificii tempore, quoad valetudo permetteret, impigre frequenter.* Quam felix, fortunatus, ac benedictus Princeps exstitit Hispaniæ, Franciæ, Germaniæ Rex, ac Romanorum Imperator coronatus, in tot conflictibus semper victoriosus. Constantinus Magnus piissimus Princeps, de quo Eusebius Cæsar: lib. 9. Ecclesiæ: *Qui primus Ecclesiam defendit, eo ferè modo Maxentium cit, quo Moyses Pharaonem.* S. Augustinus ait: *Constantinum verum Deum colentem, Deus tantis terrenis implevit muneribus, quam optare nullus auderet. Universum orbem Romanum, unus Augustus tenuit, & defendit, in administrandis & gerendis bellis viriosissimus fuit, in tyrannis opprimendis per omnia profleratus.* Theodosio seniori, eo quod verè pius Catholicus esset, adeò omnipropterè successerunt, ut in præliis hostium tela in autores, agentes, retorquerentur. Ita scribit S. Augustinus lib. de Civitate 26. De Honorio piissimo Principe iterum S. Augustinus de vita, cap. 23. scribit: *Ita Deus pugnavit pro eo, ut uno prælio amplius quam centum millia Gothorum prosterrentur.* Opus perorat S. Cyrillus Alex. lib. de recta ad Christum fide: *Quicunque pios in Deum declararunt, queaque illi placitura credebant, ni opere praestare elaboraverunt, citra sudorem, ac pulvrem, devicto, debellatoque, triumphum cecinerunt.*

## CONCEPTUS V.

S. Chrysostomus hom. 79. in Joannem scribit: *Quanto priuioribus indigemus, tanto magis Angelis appropinquamus. pietas, & devotion, ex Apostoli verbis, est questus magnus cum sufficientia, cum sufficientia, glossatur Cornelius à Lapide, commentator in epistolam primam ad Timoth. c. 6. Ordinariè Deus prævidet, de sufficientia, id est, de sufficienti vietu, & vestitu,*

*que rebus ad vitam necessariis. Pietas ergo felices reddit homines, Angelis appropiat, quia indigere non permittit, sed undique succursum submittit, cœlum & terram in adjutorium, homines, & Angelos in auxilium submittit, cum destinat Deus, Gratiolis discursibus ulterius deduco.*

## CONCEPTUS VI.

Eliæ in deserto Carith divino imperio Corvi alimenta deferrunt: *Corvi deferebant ei panem, & carnes mane, similiter panem & carnes vespere* 3. Regum 17. Iterum ad montem Horeb Eliæ planè Angeli inserviunt, & alimentum deferunt. *Et ecce Angelus Domini tergit eum, & dixit illi, surge, comedere, respexit, & ecce ad caput ejus subcinericeus panis.* 3. Regum: cap. 19. Cur primò Corvus, secundò Angelus Eliæ ministrat, & famulatur? Elias zelotes dictus est, pius, devotus Dei cultor erat, zeloti, pio, primò Corvi, secundò Angelus famulatur, noscamus; pios nunquam destitui, piis jam terram, jam cœlum succurrere, & famulari. *Quarentibus Deum, sic omnis creatura ministrat.* Concludit S. Chrysost. hom. 2. in Matth.

## CONCEPTUS VII.

Danieli in lacum leonum subsidium mittit optimus Deus, nempè Angelum, qui Prophetam Habacuc, cum cibo, quem mesforibus paraverat, usque in Babylonem ad lacum Leonum deportat. *Angelus Domini apprehendit eum in vertice ejus, & portavit eum capillo capitis sui, posuitque eum in Babylone super lacum:* Danielis cap. 14. Quis dubitat Angelum solum, cibum Danieli deportare potuisse, sicut panes portavit Eliæ, cur ergo Deus dispexit, ut non tantum Angelus, sed & Habacuc, ac messores, Daniëlem cibarent? quis est Daniel? magnus Dei cultor est, pius, devotus Numini exstitit. Testem audiamus Regem: *Deus tuus, quem colis semper, ipse liberabit te,* inquit Rex David ad Danielem: cap. 6. De Daniele inquit sacer Textus: *Tribus temporibus in die fletiebat genua sua, ac adorabat.* eodem. Pio Danieli submittit

S

Deus

Deus non hominem solum; non Angelum solum, simul Angelus & homo serviant pio Danieli; discamus, pio famulari simul, colum & terram, & totum universum. Ita Prudentius hymnus.  
*Justus nuncius ad volare terris, qui pastum famulo daret, probato raptim desilit, ob sequente mundo.*

## CONCEPTUS VIII.

Tribus Magis hodiernis Stella mittitur, dux viæ ad præfatum Domini. Causam subscribit S. Chrysostomus hom. 2. in Matth. *Stella præcedebat eos, ut ostendat, quod hominibus querentibus Deum, sic omnia elementa ministrent.* In stabulo summo cultu incarnatum Verbum, Deum verum venerantur: *Procedentes adorabantur.* Devotis ac piissimis Regibus redeuntibus non legitur Stela amplius præluxisse, sed majori favore dignantur, gratia ampliori beatantur; *Responso accepto, reversi sunt.* Quis est qui respondeat? An fors est Dei Angelus, & coeli civis, aut homo quidam, & terra incola? & hujus & illius Deus ac Dominus ipse Jesus, Dei verus, Numen supremum, inquit S. Paschasius lib. 2. Tanto plerique devoti ditantur Dei favore, ut non tantum Angelos, & creaturae omnes iis submittat in famulicium, & servitium, Ipsa Dei Matrias piorum agit ductorem, & directorem.

Epilogus.

Hortor ergo cum S. Paulo 1. ad Timoth. cap. 6. *Sed et propter tatem.*

